

BAUTISMO CD "HITNAN DI ORO" DI DHADDY Y TONY.. REALMENTE TABATA UN ANOCHI DI ORO..

Texto : Poets.

DEN AMBIENTE

** Diaranson ultimo na Corsow a tuma lugar den Fiesta Room di Holiday Beach Hotel & Casino, e gran bautismo di e CD "Hitnan di Oro" di e duo Dhaddy Brokke y Tony Sherman. E anochi di oro aki a ser transmiti enbibo pa Top 95 den combinacion cu Radio Corsow Fm, mientras den un forma di delay, e show a ser transmiti pa Tele Curacao y CSS canal 24. Pues e anochi aki sigur tabata uno di puro oro, ya cu henter Aruba y Antillas por a disfruta di dje. Cu lansamento di e CD aki tambe a nifica e come back di Dhaddy y Tony, kendenan a demostra cu ketu bay nan ta e duo mas perfecto den henter Antillas. E acto di bautismo a bay den un forma masha copioso cu dos zwarte piet, kendenan a fungi como testigo di e bautismo. E honor di oro aki a toca e dos conocido presentadornan di programa di television, Mavis Albertina di Rikesa Universal y Rino Kuiperi di Show Time como Madrina y Padrino. Despues di e acto di bautismo, tur e invitadonan presente incluso henter Aruba y Antillas por a goza inmensamente di e tremendo show di Dhaddy y Tony, kendenan a presenta tur e hitnan di oro cu ta aparece riba e CD. Tabata momentonan realmente di nostalgia ora e duo a presenta e potpourri di e "Cancion nan inolvidable", "Spaar bo Amor", "Na tur mi amornan bieuw", "Nos ta feliz", "Un Rato" etc. Por a compronde for Dhaddy cu e lo ta na Aruba awe den e programa di "Show di Poets" na Top 95 y durante e programa tur esnan cu ta desea e CD aki, por haye na un prijs special...



** E "Duo di Oro", Tony y Dhaddy cu nan "Hitnan di Oro", a percura pa "Un Anochi di Oro" hamas visto..



** Sra. Maria Brokke, querida mama di Dhaddy tambe a comparti e anochi di oro aki..



** Nos amigo Alan Maduro di PEPSI den compania di su querida esposa, kende ta un di e patrocinadornan, a disfruta un mundo di e super "Anochi di Oro"..



** Di e forma unico aki e acto di bautismo a ser realiza den presencia di e dos zwarte pietnan, mientras Mavis Albertina como Madrina y Rino Kuiperi como Padrino ta basha e champagne di Oro..



** Foto aki ta demostra cu realmente e anochi aki tabata uno di ORO..



** Dhaddy y Tony a ser acompaña den un forma increible pa e cinco musiconan cu por ser mira riba foto..



** E exitoso "Anochi di Oro" a clausura den un "broche de oro" cu un merecido "Standing Ovation"..